

Griffie ER Bonaire	
Ingek.:	NOV 12 2014
Volnummer:	2014013571
Griffier:	Uitv.:

***** ER-verg. d.d. 11.11.14 *****

- AGENDAPUNT :** 7-b.
- ONDERWERP :** Behandeling motie 2.
- TOELICHTING:** De voorzitter geeft UPB-fractieleader Levenstone de gelegenheid om motie 2 te presenteren.
- BESLUIT:** Motie 2 (zie bijlage) wordt met 6 stemmen vóór, en 0 tegen, aangenomen.
- UITVOERING:** College.

Undernomij motie wordt met 6 stemmen voor & 0 tegen
aangenomen.

Eilandsraad d.d. 11 nov '14.
Voorzitter, Griffier,

Motie II



Griffie ER Bonaire	
Ingek.:	NOV 12 2014
Volnummer:	2014013570
Griffier:	Uitv.:

Konseho Insular den su reunion di 11 di November 2014, den sala di reunion di 'Passangrahan'.

Topiko: Struktura total di deporte di Boneiru.

Introdukshon:

Den e periodo di gobernashon 2011-2015, Boneiru a risibí un inyekshon deportivo históriko. Nunka antes tantu invershon físiko a wòrdu efektua den e arena deportivo lokal. Ta bale la pena mensioná por ehempel; **Stadion di Rincón** ku a wòrdu someté na un facelift total, kamerin pa kambia panja, tribuna moderno i yerba artifizial; Tereno di baseball den suit den bon kondishon I ku lus artifizial, **Felt pariba** na Rincón ku a wòrdu ekipá ku lus artifizial i tribuna, Tereno **Rudi Boezem** na Nort di Salinja ku lus artifizial, tereno di bolas kriollas den bon kondishon ku lus artifizial na Trai Montanja, **mini tereno pa futbol** den Nort di Salinja ku lus- i yerba artifizial, **Parke di futbol E. Flores na Antriol** ku tribuna moderno, lus- i yerba artifizial, **Parke di beisbol Little League na Antriol** ku tribuna i lus artifizial, **Parke di softball Jossy Boekhoudt na Tera Kora** ku tribuna moderno, lus- i yerba artifizial, tereno di **Ama's na Tera Kora** den bon estado i finalmente **tereno di ATC na Tera Kora** ku lus artifizial i den bon kondishon I Johan Cruiff Court na Tera Kora.

Esakinan tabata invershonnannan planifiká ku mester a forma e fundeshi pa adelanto deportivo riba nos isla. Ounke ku no a spera resultado mesora, talento di nos hobennan a kuminsá bria i resultatonan riba e plano hubenil di tantu baseball, karate i futbol a mehorá konsiderablemente.

Awor sinembargo, e ora a yega pa drenta e segundo i terser fase di e vishon i planifikashon deportivo pa Boneiru. Den e kuadro ku ta korespondé na e segundo fase aki, e enfóke mester ta primordialmente basá riba planifikashon, maneho, guia, kontrol,

ehekushon i strukturashon di nos aktividatnan deportivo, na un manera sentralisá i ordená.

Básikamente e kuadro aki ta nifiká un restrukturashon di nos organisashon deportivo loke mester redundá primeramente den:

- 1). adaptashon di e struktura deportivo di Indebon;
- 2). ampliashon di responsabilidat, tarea i di nos instituto deportivo INDEBON tin pa ku e diferente kategorianan di edat di nos muchanan;
- 3). kreashon di sinergia entre e diferente federashonnan lokal di deporte;
- 4). krea kamindanan alternativo, pa ofresé nos deportistanan posibilidat pa yega kompetensianan internashonal rekonosé;
- 5). Kreashon di sitionan di hospedaje i aktividatnan teorétiko pa deportistanan.
- 6). Maneho i mantenshon di fasilidatnan deportivo.

Nos ta konvensí ku e siguiente fase (nan) aki lo juda forma hóben i deportistanan di nivel haltu i sano di mente i kurpa.

Konsiderashon(nan):

1. Ku inyekshon(nan) den infrastruktura deportivo riba nos isla a kwe un denominashon históriko den e periodo di gobernashon 2011-2015;
2. Ku inyekshonnan hasí ta forma e fase inisial di un vishon deportivo ku mester trese nos hobennan deportista den un kuadro elevá basá riba un kombinashon di edukashon i formashon deportivo;
3. Ku ta imperativo pa adaptá e struktura hurídiko di Indebon pa di tal forma krea espasio pa akshon i resepsion di medionan finansiero lokal i internashonal eksistente;
4. Ku tardansa den ehekushon di e kuadro ku mester komplementá e vishon deportivo aki, lo nifiká ku nos lo kore rísiko di kometé destrukshon di kapital, loke no ta responsabel di parti di nos gobièrnu;
5. Ku e fasilidatnan deportivo mester wòrdu manehá i mantené responsabelmente.

Ta disidí:

- Pa urgi kolegio ehekutivo pa enkaminá di forma urgente e proseso pa independisá Indebon;

- Pa den e kuadro di e proseso aki, amplia e outorisashon i tambe tareanan ku Indebon tin aktualmente di tal forma pa e instituto por juda forma hobenan te ku 17 anja;

di tal forma ku ta aktivá sentronan di barío riba nos isla, kualnan mester bai hunga un rol formal den desaroyo di e barío i tambe formashon deportivo di hobenan en partikular;

- Pa instruí Indebon pa inisiá e proseso pa jega na kontratonan di kuido ku federashonnan di deporte, ku lo mester enserá; guia pa tareanan edukashonal, guia pa realisá plannan di entrenamentu i kòntrol riba ehekushon di esakinan, kompensashon básiko pa entrenadornan sertifiká pa diferente ramo di deporte;
- Pa instruí Indebon pa hiba e proseso den forma di un proyekto piloto den direkshon di un federashon, pa despues plama e éksito pa tur otro federashonnan;
- Pa instruí Indebon pa krea e struktura legal pa yega na maneho i mantenshon kontínuo i responsabel pa ku e parkenan di deporte eksistente;
- Pa instruí Indebon pa inisiá e proseso pa yega na un kampamentu deportivo, ku lo mester brinda espasio pa 4 ekipo por hospedá, rekreá i sigui seshonnan di práktika den un ambiente sano, deportivo i sigur;
- Pa Indebon bai funshoná tambe komo sucesor di e aktual BSF pa ku federashonnan deportivo na Boneiru


I ta pasa pa òrdu di dia;

Firmantenan:


Sra. M. Silberie (UPB)

Sr. R. Wilsoe (UPB)

Sr. R. Booi (UPB)

A large, stylized handwritten signature in dark ink, consisting of several overlapping loops and a long horizontal stroke at the bottom.A handwritten signature in dark ink, featuring a large, sweeping 'S' shape followed by a few smaller strokes.

Sr. R. Santana (Santana)

A handwritten signature in dark ink, characterized by a series of tight, vertical loops followed by a long, sweeping horizontal stroke that extends to the right.

Sr. J. Levenstone (UPB)